



Broj : 09/1 \_\_\_\_/21

Kakanj, \_\_\_\_\_2021. godine

### **GODIŠNJI IZVJEŠTAJ**

#### ***o realizaciji programa sredstava ostvarenih po osnovu posebne naknade za zaštitu od prirodnih i drugih nesreća namijenjenih za provođenje preventivnih mjera u 2020. godini***

Općinsko vijeće Kakanj na 38. sjednici, održanoj 30.01.2020. godine, usvojilo je Program rasporeda i utroška sredstava ostvarenih po osnovu posebne naknade za zaštitu od prirodnih i drugih nesreća namijenjenih za provođenje preventivnih mjera u 2020. godini, a nakon toga na 1. sjednici, održanoj 30.03.2020. godine predsjedništvo Vijeća mijenja postojeći i usvaja novi Program o izmjenama i dopunama programa rasporeda i utroška sredstava ostvarenih po osnovu posebne naknade za zaštitu od prirodnih i drugih nesreća namijenjenih za provođenje preventivnih mjera u 2020. godini, radi pojave pandemijskog korona virusa (SARS-CoV-2) koji uzrokuje bolest (COVID 19) i u tom pravcu izvršava preusmjerenje raspoloživih sredstava po novom Programu.

Shodno navedenom programu izvršena je realizacija sredstava kako je prikazano u tabeli:

<b>OPIS RASHODA</b>	<b>PLANIRANA SREDSTVA U 2020. g.</b>	<b>UTROŠENA SREDSTVA</b>	<b>NEUTROŠENA SREDSTVA</b>
<i>Nabavka medicinske i zaštitne opreme za poduzimanje mjera zbog pandemije virusa (COVID -19)</i>	<i>30.000,00</i>	<i>29.000,00</i>	<i>1.000,00</i>
<i>Obavještenja i upozoravanje građana putem medija</i>	<i>1.500,00</i>	<i>2.000,00</i>	<i>/</i>
<i>Rezervna sredstva</i>	<i>1.500,00</i>	<i>500,00</i>	<i>1.000,00</i>
<b>UKUPNO</b>	<b>33.000,00</b>	<b>31.500,00</b>	<b>1.500,00</b>

Sredstva su namjenski utrošena, u skladu sa donesenim Programom, s ciljem provođenja preventivnih mjera a u cilju smanjenja rizika i ublažavanja posljedica.

**POMOĆNIK OPĆINSKOG NAČELNIKA**

*Nurudin Hrusto*

## **PRAVNI OSNOV**

Na osnovu tačke V. i tačke XIII. stav 3. podtačka 3). Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća („Službene novine Federacije BiH“, broj: 4/12) i tački II. stav 1. i 2., III. stav 3., IV. stav 3. i V. stav 2. Odluke o izmjenama i dopunama Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća („Službene novine Federacije BiH“, broj: 80/13), a u skladu sa članom 180. stav 6. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, broj: 39/03, 22/06 i 43/10), utvrđeni su uslovi i načini korištenja sredstava posebne naknade, a posebno kroz Program raspodjele i korištenje sredstava posebne naknade namijenjenih za provođenje preventivnih mjera zaštite uz prethodno pribavljeno mišljenje Općinskog štaba civilne zaštite Kakanj, a isti je usvojilo Općinsko vijeće Kakanj na sjednici, održanoj u martu 2021. godine.

Na osnovu tačke XIV. stav 1. podtačka 3) i stav 2. Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća („Službene novine Federacije BiH“, broj: 4/12) navodi se da o prikupljanju, raspodjeli i korištenju sredstava posebne naknade podnosi se godišnji izvještaj.

U cilju namjenskog i transparentnog utroška sredstava posebne naknade, sačinjen je i realizovan navedeni Program o izmjenama i dopunama programa rasporeda i raspodjele utroška sredstava posebne naknade namijenjenih za provođenje preventivnih mjera zaštite i spašavanja u 2020. godini, shodno navedenoj Odluci, njenim izmjenama i dopunama.

## **OBRAZLOŽENJE PO POJEDINAČNIM UTROŠCIMA**

### **1. NABAVKA MEDICINSKE I ZAŠTITNE OPREME ZA PODUZIMANJE MJERA ZBOG PANDEMIJE VIRUSA (COVID – 19)**

U toku 2020. godine, radi sprečavanja pojave i suzbijanja širenja korona virusa COVID-19, prema JU „Dom zdravlja“ Kakanj transferirana su sredstva u iznosu od 10.000,00 KM, radi nabavke neophodne medicinske opreme i materijala vezano za epidemiju.

Izvršena je i nabavka druge zaštitne opreme (zaštitne maske jednokratne i višekratne, zaštitna odijela, zaštitne rukavice i sl.) i nabavka dezinfekcionih sredstava u iznosu od 19.000,00 KM.

Ukupan iznos sredstava utrošenih za pomenute aktivnosti je **29.000,00 KM.**

## **2. IZRADA OBAVJEŠTENJA I UPOZORAVANJE GRAĐANA PUTEM MEDIJA**

U toku godine realizovane su aktivnosti emitiranja obavještenja i upozorenja stanovništvu općine Kakanj vezano za nastalu epidemiju korona virusa COVID-19. putem lokalnog medija „NTV IC“ d.o.o. Kakanj i Radio Kaknja kojima su za usluge emitiranja transferisana sredstva pomoći od po 1.000,00 KM za praćenje i obavijesti stanovništvu vezano za pandemiju. Iznos planiranih sredstava po Programu o izmjenama i dopunama programa rasporeda i utroška sredstava ostvarenih po osnovu posebne naknade za zaštitu od prirodnih i drugih nesreća namijenjenih za provođenje preventivnih mjera u 2020. godini iznosio je 1.500,00 KM koja su iskorištena, a dodatno su iskorištena i sredstva rezerve za ove svrhe iz navedenog Programa za ove aktivnosti u iznosu od 500,00 KM.

Ukupan iznos sredstava utrošenih za pomenute aktivnosti je **2.000,00 KM.**

## **3. REZERVA**

Shodno tački 2. u toku 2020. godine radi pomoći na realizaciji emitovanja obavještenja i upozorenja stanovništvu vezano za nastalu epidemiju korona virusa COVID-19 putem lokalnog medija „NTV IC“ d.o.o. Kakanj i Radio Kaknja, utrošena su i sredstva rezerve iz Programa o izmjenama i dopunama programa rasporeda i utroška sredstava ostvarenih po osnovu posebne naknade za zaštitu od prirodnih i drugih nesreća namijenjenih za provođenje preventivnih mjera u 2020. godini u iznosu od 500,00 KM.

Ukupan iznos sredstava rezerve utrošenih za pomenute aktivnosti je **500,00 KM.**

S poštovanjem.